

PROVISIONAL INSTITUTIONS OF SELF GOVERNMENT

**KUVENDI I KOSOVËS**  
**СКУПШТИНА КОСОВА**  
**ASSEMBLY OF KOSOVO**

Seanca Plenare  
Seanca nr.2003/23  
Prishtinë,më 11 shtator 2003,në orën 10:00  
Ndërtesa e Kuvendit të Prishtinës.

**PROCESVERBAL**

Seancën e kryesoi Nexhat **DACI**, kryetar i Kuvendit, kurse bashkëkryesues ishte Oliver Ivanoviq,anëtar i Kryesisë.

**Kryesusi** konstatoi se në seancë ishin të pranishëm 109 deputetë dhe shpalli të hapur punën e saj.

Kuvendi në seancën e mëparshme kishte miratuar këtë

**REND TË DITËS**

1. Paraqitja para deputetëve e z.Hari Holker,PSSP dhe z.Kris Paten,komesioner i BE-së;
2. Miratimi i procesverbalit të seancës së mëparshme;
3. Shqyrtimi i dytë i P/ligjit për prokurimin publik në Kosovë-nr.2003/13;
4. Shqyrtimi i parë i P/ligjit për pension të aftësis së kufizuar-2003/23;
5. Shqyrtimi i rekomandimit të Komisionit për Çështje Gjyqësore,Legjislacion dhe Kornizë Kushtetuese për emërimin e dy gjyqëtarëve në bazë të të dhënave shtesë;
6. Shqyrtimi i propozimit të Grupit Parlamentar të LDK-së për emërimin e disa anëtarëve në komisionet parlamentare;dhe
7. Propozimi i rendit të ditës të seancës plenare të 18 shtatorit 2003.

Kryetari i përshëndeti z.Holkeri, z.Paten, Qeverinë dhe përfaqësuesit e zyrave të shteteve perendimore në Prishtinë. Ai i informoi të pranishmit me punën e Kuvendit, në të kaluarën dhe me sfidat me të cilat tani po ballafaqohet.

1. Kryetari kërkoi nga deputetët e Kuvendit të procedohet sipas rendit të ditës dhe e ftoi z.Hari Holker të flasë para tyre.

**Hari Holkeri** -Dëshiroj t'ju shprehi falënderimin tim që më dhatë mundësinë t'i drejtohem këtij Kuvendi.

Sot shënojmë përvjetorin e dytë të sulmeve terroriste në Nju Jork dhe në Uashington. Vrasja e qytetarëve të pafajshëm nga e mbarë bota, ishte një sulm, të cilin terroristët po e bënin mbi civilizimin, sepse i tërë civilizimi ushqen rrespektin për dinjitetin e qenieve individuale njerëzore dhe janë vlera këto mbi të cilat edhe Organizata e Kombeve të Bashkuara, është themeluar.

Zonja dhe zotërinj, unë tashmë jam konsultuar me liderët politik kosovar dhe po ashtu e mirëpres punën të cilën do ta bëjmë bashkërisht gjatë javëve dhe muajve të ardhshëm. Bashkëpunimi ynë efikas është domethënës për vazhdimin e përparimeve në Kosovë. Por, as UNMIK-u, as institucionet e Kosovës nuk mund të përfitojnë në kurriz të tjetrit. Realiteti është i atillë që ne jemi partnerë, në kuptimin më të gjërë dhe në këtë vetëm nëse punojmë bashkërisht do t'ia dalim të gjithave me sukses, sepse ne do të jemi partnerë. Kurse, tani kam kënaqësinë që t'i shpreh mirëseardhje në Kosovë në mënyrë tjetër të Kosovës, zotit Kris Paten, që është komisioneri i Bashkimit Evropian për politikë të jashtme. Që nga viti 1999 Bashkimi Evropian ka kontribuar dhe ka dhënë më shumë se një miliard euro ndihmë për Kosovën dhe Shtylla e katërtë e UNMIK-ut, Ai ka marrë rolin udhëheqës për të transformuar ekonominë e Kosovës. Bashkimi Evropian, po ashtu, ka krijuar një mekanizëm të posaçëm përcjellës për standardet, i ashtuquajtur i STM që do të përcjellë përmbushjen e standardeve të Kosovës, të cilët do të ndihmojnë në përcaktimin e statusit përfundimtar të Kosovës. Ndihma financiare si dhe vetë ky mekanizëm përcjellës, paraqesin vendosmërinë e Bashkimit Evropian për t'i ndihmuar Kosovës që të bëhet anëtar i plotë i familjes së Bashkimit Evropian. Kriteret evropiane për anëtarësim, përfshijnë institucionet demokratike, rendin, ligjin dhe ekonominë të bazuar në tregun e lirë. Prandaj, Qeveria dhe Kuvendi, gjatë miratimit të 27 ligjeve, mund të them se ka qenë në arritur e madhe për të krijuar një ambient të mirëfilltë. Qeveria, pothuaj, ka kompetenca në sfera të ndryshme të jetës së përditshme në Kosovë. Sa i përket fushës së drejtësisë ose zbatimit të ligjit, policët e SHPK, punojnë bashkërisht me ata të UNMIK-ut. Po ashtu janë më shumë se 100 gjyqtarë e prokurorë që punojnë në sistemin e drejtësisë, që do të thotë se autoriteti përfundimtar për çështje të sigurisë dhe drejtësisë më janë besuar mua, por shumë prej aspekteve administrative të drejtësisë tashmë janë bartur tek institucionet kosovare. Pra, marrja e pronësisë nga institucionet kosovare dhe popullata, mbi këto aspekte, janë me rëndësi në përpjekjet për të përmirësuar gjendjen e sigurisë. Sa i përket ekonomisë, tashmë ka filluar procesi i privatizimit me më shumë se 20 ndërmarrje në pronësi shoqërore, të cilat janë kryer procedurat e tenderit.

Një gjë që na ka preokupuar për një kohë të gjatë është dialogu me Beogradin dhe besoj se tani momenti është i përshtatshëm për të shkuar përpara. Qeveria është duke përgatitur programin e saj për bisedimet me Beogradin që do të fillojnë së shpejti.

Por, një fushë, ku përparimi dhe sukseset janë ende të pamjaftueshme, është ajo e kthimit të pjesëtarëve të komuniteteve pakicë në Kosovë. Para disa muajve, liderët kosovar kanë treguar një guxim dhe trimëri të madhe duke publikuar një letër të hapur me anë të cilës ftonin pjesëtarët e komuniteteve pakicë të kthehen nëpër shtëpitë e tyre. Edhe një herë dua t'ju shpreh gatishmërinë time për të bashkëpunuar me juve, partnerët e mij, për zgjidhjen e të gjitha problemet me të cilat do të ballafaqohet Kosova.

**Kris Paten**- Kur kam ardhur këtu herën e parë (1999) as që kam ëndërruar se një ditë do t'i drejtohesha Kuvendit, udhëheqësve të zgjedhur në mënyrë demokratike këtu në Prishtinë. Ndoshta duhet të vjen një vizitor i cili ua dëshiron të mirën, i cili do të ishte në gjendje të shohë përparimin që e keni arritur ju në partneritet me bashkësinë ndërkombëtare. Dëshiroj t'i ndajë mendimet e mia përsa i përket partneritetit tuaj me Bashkësinë Evropiane, e cila temë na intereson të gjithëve.

Çështja e statusit përfundimtar të Kosovës ende nuk është temë diskutimi, mirëpo atë që e dijmë të gjithë qartazi se ardhmëria juaj është në Evropë. Ky ka qenë përkushtimi i krejt Bashkësisë Evropiane në takimin e saj në Selanik, në qershor dhe më vjen mirë që mundem edhe një herë ta konfirmoj atë premtim sot.

Roli i këtij Kuvendi është shumëqënësor që të kuptohet kjo e ardhme evropiane për Kosovën. Ju jeni përfaqësuesit e zgjedhur në mënyrë demokratike të popullit, dhe është përgjegjësi juaja që Kosovën ta çoni në rrugën e stabilizimit, demokratizimit dhe modernizimit. Ju jeni këtu për të punuar për mirëqenien e gjithë njerëzve në Kosovë, pa marrë parasysh etninë apo bindjet e tyre politike apo shoqërore.

Ka kaluar një vit prejse kam ardhur herën e fundit në Kosovë, mirëpo i kam përcjell ngjarjet me interes të madh. Siç kam thënë më herët, ka pasur shumë zhvillime pozitive për të cilat mund të jeni krenar. Mirëpo ka patur edhe tragjedi në vazhdimësi, sikur janë vrasjet tash rishtazi të fëmijëve të pafajshëm. Këto ndodhi të tmerrshme nuk janë tragjedi vetëm për viktimat, por për tërë Kosovën. Ato janë njollë në reputacionin e Kosovës.

E di se deri tash, ky Kuvend, ka bërë shumë. Po ashtu edhe Qeveria, partneri juaj UNMIK-u, por realiteti tregon se duhet bërë shumë më shumë, jo vetëm nga ju që jeni në qendër këtu në Prishtinë, por kjo vlenë për çdo komunë në Kosovë. Nuk ka ndonjë detyrë më të rëndësishme për Kosovën, e cila dëshiron të demonstrojë se është e përkushtuar për një të ardhme paqësore demokratike.

Unë e di, dhe i kthehem asaj që thash në fillim, e di se të gjithë jeni të shqetësuar për statusin përfundimtar të Kosovës. Kjo nuk është temë që do të trajtohet sot, mirëpo natyrisht nuk është ndonjë temë që mund të shtyhet pafundësisht. Ajo që është me rëndësi, është që secili, pa marrë parasysh a është në Beograd apo këtu në Prishtinë, duhet të mos n dërmarrë më v eprime të cilat n grisin t ensione. Këtë duhet t a b ëj p lotësisht t ë qartë edhe nesër në Beograd. Deklaratat parlamentare kundër pavarësisë janë, nëse e themi shumë but, të padobishme, të tilla do të ishin edhe deklaratat e pavarësisë nëse bëhen këtu. Asnjëra nuk do të kishte ndonjë ndikim më të vogël në vendimin përfundimtar.

Ajo që do ta diskutojmë sot është fillimi i një dialogu të ri e konstruktiv me Beogradin. Ky do të duhej të ishte prioritet, për të gjitha institucionet e Kosovës dhe për UNMIK-un, të nisesh dialogu me Beogradin për çështje të cilat kanë të bëjnë me jetën e përditshme të të gjithë qytetarëve të Kosovës. Fillimi i dialogut do të çonte një porosi shumë pozitive për komunitetin tuaj, do të tregojë se ju jeni udhëheqës që mund të merrni përgjegjësinë mbi vete në një mënyrë shumë konstruktive dhe do të tregonte qartazi se kur themi që Kosova është në rrugën drejt Evropës.

Shumë është bërë në Kosovë në katër vitet e fundit, për çka fola edhe më herët. Shumë mund të bëhet dhe duhet bërë për ta lehtësuar jetën e kosovarëve dhe nuk ka ndonjë rrugë të shkurtër, sepse duhet të ketë një sistem ligjor administrativ të tillë që Kosova të bëhet një vend i besueshëm i cili tërheq investime si nga jashtë ashtu edhe nga brenda. Donatorët këtu janë të gatshëm t'ju ndihmojnë juve dhe partnerëve nga UNMIK-u që ta arrija këtë qëllim. Ne propozojmë që ju, standardet tuaja, t'i ofroni me tonat. Ne nuk pretendojmë se ligjet tona janë të lehta të implementohen, mirëpo kur theksojmë nevojën e harmonizimit të ligjeve me Bashkësinë Evropiane, në këtë e bëjmë, sepse besojmë se kjo duhet t'ju japë një përparësi e që do t'ju japë përfitime në zhvillimin tuaj ekonomik, e jo vetëm se është kërkesë për anëtarësi në Bashkësinë Evropiane.

Implementimi i reformave të ngjashme me ato në rajon do t'ju çojë më afër Evropës. Ju do të mund të përfitoni nga përparësitë e bashkëpunimit rajonal, i cili tashmë ka filluar në Evropën juglindore. Një shembull i qartë është Marrëveshja e tregtisë së lirë që UNMIK-u tashmë e ka nënshkruar me Shqipërinë, nën ombrellën e Paktit të Stabilitetit. Pjesëmarrja në këtë rrjet marrëveshjesh do t'ju përmirësojë qasjen në tregje dhe do ta bëjë Kosovën shumë më tërheqëse për investitorë.

Më vjen shumë mirë që kam dëgjuar për angazhimet e mëdha personale të kryeministrit dhe ministrave që kanë bërë lidhur me këtë çështje.

Insistoj edhe një herë se, jo vetëm në Evropë, por edhe partnerët tanë nga Amerika, institucionet monetare e ndërkombëtare, si dhe të gjithë donatorët tjerë ju përkrahin në rrugën drejt familjes sonë.

Diskutimi i plotë i z. Holkeri dhe Paten i është bashkangjitur stenogramit.

## **2. Miratimi i procesverbalit të seancës së mëparshme.**

Nuk pati vërejtje lidhur me procesverbalin e seancës së mëparshme dhe ai u miratua.

## **3. Shqyrtimi i dytë i P/ligjit për prokurimin publik në Kosovë-2003/13**

**Kryetari** i informoi deputetët lidhur me procedurën e shqyrtimit të këtij projektligji dhe i vuri në votim një nga një amendamentet e Komisionit për Shërbime Publike, Komisionit për Çështje Gjyqësore, Legjislacion dhe Kornizë Kushtetuese, Komisionit për Buxhet dhe të deputetit Fatmir Rexhepit.

**Kuvendi** i miratoi këto amendamente : 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 30, 31, 32, 36, 37, 39, 40, 41, 42, 43, 44, 45, 46 a, 47, 48, 49, 50 b, 51 a ,kurse nuk i miratoi amendamentet :29, 33, 34, 35, 38, 46 b, 50 a dhe 51 b.

**Kryetari** e vuri në votim Ligjin në tërësi dhe rezultati ishte si vijon :

Për-----Shumica,  
Kundër----10,  
Abstenime-- 8 .

**Kryetari** konstatoi : Kuvendi i Kosovës e miratoi Ligjin për prokurimin publik në Kosovë.

#### **4.Shqyrtimi i parë i P/ligjit për pensione të aftësisë së kufizuar-2003/23**

**Kryesuesi** e ftoi ministrin e Punës dhe Mirëqenies Sociale ta arsyetojë këtë p/ligj para deputetëve.

**Ministri Ahmet Isufi** – Projektligji mbi skemën e pensioneve të aftësisë së kufizuar, paraqet një skemë të re të pensioneve të aftësisë së kufizuar për banorët e Kosovës që janë përherë dhe plotësisht me aftësi të kufizuara.

Me këtë skemë synojmë të plotësojmë skemat tjera që zbatohet nga Ministria e Punës dhe Mirëqenies Sociale, si ajo e pensioneve themelore, skema e ndihmës sociale dhe ajo e beneficioneve për invalid të luftës dhe familjeve të rënë në luftë. Skema e pensioneve të aftësisë së kufizuar, siguron pagesa të rregullta për të gjithë përfituesit e saj. Pra, objektiv yni shtë që me këtë skemë t'u ofrojmë ndihmë financiare të gjithë personave që janë përherë dhe plotësisht me aftësi të kufizuara mendore dhe fizike, të lindura apo të fituara gjatë jetës, nga mosha 19 deri 64 vjeç.

Ky p/ligj parasheh një skemë të paanshme që do të zbatohen për të gjithë qytetarët e Kosovës. Skema iu mundëson qytetarëve, me banim të përhershëm në Kosovë, të cilët janë plotësisht dhe përherë me aftësi të kufizuara dhe të cilët i përmbushin kriteret mjekësore dhe kriteret tjera për të marrë pagesa të rregullta mujore të pensionit të aftësisë së kufizuar si një e drejtë themelore. Pensioni i aftësisë së kufizuar do t'u paguhet të gjithë përfituesve, pa marrë parasysh gjendjen materiale të tyre, pra nuk do të bëhet verifikimi i gjendjes materiale të përfituesve.

Në bazë të këtij Projektligji, pensioni i aftësisë së kufizuar do të paguhet nga buxheti i Kosovës dhe metodologjia e përcaktimit të shumës duhet të ketë qëndrueshmëri fiskale në të ardhmen. Shuma e pensionit mbi aftësinë e kufizuar, sipas këtij Projektligji, është e njëjtë me atë të pensioneve themelore.

Ky Projektligj rregullon edhe çështjet e kompensimit dhe sanksionet për mashtrim dhe fshehje të informatave, precizon mënyrën e ankesave, administrimin nga Ministria e Punës dhe Mirëqenies Sociale, gjegjësisht administrata pensionale e Kosovës, metodën e pagesës dhe datën e fillimit të zbatimit.

Në fund, ministri Isufi i ftoi deputetët që ta miratonin këtë p/ligj.



Opinionet, vërejtje dhe sugjerimet në këtë p/ligj i dhanë deputetët :Lilana Keniq, Fatmir Sejdiu, Haki Shatri, Flora Brovina, Dragisha Kërstoviq, Zylfije Hundozi, Fadil Kryeziu, Arsim Bajrami, Muhamet Kelmendi, Nafije Berisha dhe Sabri Hamiti që i janë bashkangjitur stenogramit.

Kryesuesi e vuri në votim këtë p/ligj dhe rezultati ishte si vijon :

Për--shumica,  
Kundër---- 0,  
Abstenime 1.

**Kryesuesi konstatoi :** Kuvendi i Kosovës e miratoi në parim p/ligjin për pensione të aftësisë së kufizuar dhe ngarkoi komisionet kresore dhe Komisionin për punë dhe mirëqenie sociale që ta shqyrtojë këtë p/ligj brenda afatit 3 javësh dhe t'ia paraqesin Kuvendit raportet dhe rekomandimet lidhur me këtë p/ligj.

**5.Shqyrtimi i rekomandimit të Komisionit për Çështje Gjyqësore, Legjislacion dhe Kornizë Kushtetuese për emërimin e dy gjyqëtarve në bazë të të dhënave shtesë.**

Kryesuesi e vuri në votim rekomandimin e Komisionit dhe rezultati ishte si vijon :

Për-----Shumica,  
Kundër----0,  
Abstenime-5 .

**Kryesuesi konstatoi :** Kuvendi i Kosovës e dha pëlqimin për emërimin e Valdete Dakës, gjyqëtare në Gjykatën e Qarkut në Prizren dhe të Daut Qelës, gjyqëtar në Gjykatën Komunale për Kundravajtje në Drenas.

**6.Shqyrtimi i propozimit të Grupit Parlamentar të LDK-së për emërimin e disa anëtarëve në komisionet parlamentare.**

Kryesuesi e vuri në votim propozimin e Grupit Parlamentar të LDK-së. Rezultati ishte si vijon :

Për-----Të gjithë,  
Kundër-----0,  
Abstenime-----0.

**Kryesuesi konstatoi :** Kuvendi i Kosovës e miratoi propozimin e Grupit Parlamentar të LDK-së për ndryshimin dhe plotësimin e anëtarëve të vet në komisionet parlamentare, si vijon:

1. Në Komisionin për Gatishmëri Emergjente, në vend të deputetit Nimon Alimusaj, emërohet deputetja Samije Zeqiraj;

2. Në Komisionin për Media, në vend të deputetit Kolë Berisha, emërohët deputeti Lulzim Zeneli;
3. Në Komisionin për Mjedis dhe Planifikim Hapësinor, në vend të deputetit Alush Gashi, emërohët deputetja Nafije Berisha;
4. Në Komisionin për Shërbime Publike, në vend të deputetës Melihate Tërnkolli, emërohët deputeti Fadil Ahmeti;
5. Në Komisionin për Kulturë, Rini, dhe Sport, në vend të deputetit Sadudin Berisha, emërohët deputetja Zyhrije Maloku;
6. Në Komisionin për Media, në vend të deputetës Gjylshene Berisha, emërohët deputeti Fatmir Sejdiu;
7. Në Komisionin për Barazi Gjinore, në vend të deputetit Sabit Rrustemi, emërohët deputeti Mehdi Bardhi;
8. Në Komisionin për Personat e Kidnapuar dhe të Humbur, në vend të deputetës Besa Gaxherit, emërohët deputetja Nurishahe Hulaj.

### **7. Propozimi i rendit të ditës të seancës plenare të 18 Shtatorit 2003**

Kryesia i kishte propozuar Kuvendit këtë

#### **REND TË DITËS**

1. Shqyrtimi i situatës politike në Kosovë;
2. Shqyrtimi i parë i P/ligjit për produktet dhe paisjet medicinale-2003/17 ;
3. Shqyrtimi i parë i P/ligjit për Inspektoratin sanitar -2003/24

**Kuvendi** me shumicë votash e miratoi rendin e ditës të seancës plenare të 18 shtatorit 2003.

Seanca përfundoi në orën 13:55 minuta.

**Sekretaria e Kuvendit.**

**Kryetari i Kuvendit të Kosovës**

**akademik Nexhat DACI**